

'ի գերութիւն եւ Բալտովին Դ. եթէ ոչ էին աճապարեալ թիկնապահք նորին եւ հանեալ 'ի պատերազմէն : Պատմիչք Արարացոց զայս քաջութիւնս Սալահատտինի հաւասար համարին առաջին տառապանաց, որ դիպաւ նմա յետ դարձի 'ի պատերազմէն Ասկաղոնի, և թերեւս գերազանց քան զայն, որ այնպիսի երազութեամբ փութաց լուծանել զվրէժ ձախողակի ձաղանաց իւրոց : Յետ այսր յաղթութեան չտուեալ հանդիսս զօրաց իւրոց, յարձակեցաւ վերատին 'ի վերայ բանակի Լատինաց, որոյ զօրագլուխ կացեալ էր կունն Տրիպոլոյ, և եհար զնոսա 'ի հարուածս մեծամեծս : Ապա չու արարեալ զնաց 'ի վերայ բերդին կամ քաղաքին, զոր շինեալ էր թագաւորն Նրուսաղէմի 'ի վերայ Յորդանան գետոյ, 'ի կողմանս Տրերբական ծոփու . այլ քրիստոնեայք ընդդէմ կացեալ վտանգեցին զնա, և հալածական տարին մինչեւ 'ի դուռն Դամասկոսի, և գերեցին զերկիրն : Իսկ Սալահատտին դարձեալ ընդ կրունկն միւսանդամ պատահեցաւ նոցա, և կալաւ կենդանւոյն 200 Յրէրս 'ի տաճարական ասպետաց, հրճիդ արար զքաղաքն նոր, այրելով 'ի նմա զ500 ասպետս հանդերձ զլիաւորօք նոցին : Զօրք Սալահարաց սուլթեալ իմն էին, զի զինի պատերազմին Ասկաղոնի ջնջեալ և խորտակեալ համարէին զզօրութիւն թշնամոյ իւրեանց, այլ այժմ տեսանէին զնա իբրեւ առիւծ վիրաւոր զգեցեալ զզօրութիւն նոր, և առաւելեալ 'ի քաջութիւնս և 'ի յաղթութիւնս (1) :

Ի ամին ժամանակի Ռուբէն Բ. իշխանն Կիւլիկիոյ եկն յերուսաղէմ եւ արար հարսանիս բազմածախ՝ առեալ կին զդուստրն Ռընալա տը Շաթիյեօն Լատին իշխանին Քերեքայ (1181) . Սքսօ . Երէս 103 : Զյանդուզն գործս Շաթիյեօնի այսպէս պատմեն Արարացիք . ժողովեաց զԼատինս որք բնակեալ էին 'ի Քերէք եւ 'ի Շովպէք, եւ կաղմել

(1) Սահակ Արքեպիսկոպոս Երուսաղէմի հրաւիրեալ կոչեցաւ 'ի ժողովն Հռամկլայի, կամ ըստ այլոց 'ի Տարսոն Կիլիկեաց, զոր գումարեաց Գրիգոր Կաթուղիկոս, փասն միաբանութեան ընդ եկեղեցւոյն Յունաց, յորում խօսեցաւ զայն հրաշալի ատենաբանութիւն Ս. Ներսէս Լամբրոնէցի, 'ի հանդիսի Հարց ժողովոյն, և յորում ամի մուսակիոս Մանուէլ կայսրն . (1180) :